

廣西名勝志卷之八

閩中曹學佺能始撰

南寧府

在省城西南
二十二百里領州三縣二

地里沿革論曰故稱邕管牂牁峙其西北交趾踞其西南三十六峒錯壤而居延袤幾千里橫山永平尤稱要害歷唐及宋建牙置帥與桂州等又郡地最夷曠可宿數萬師曩者征田州及經略安南舉弭節茲土則其勢便也自徭夷不靖往仗狼兵急則藉其前驅緩則檄為守圉諸酋乃稍稍驕恣不可盡繩以文法策邕事者至欲開重鎮以復邕

州督府之舊嗟夫事固未易更亦未易言也邕

州唐貞觀初改自南晉州者天寶間又改為朗寧郡故南寧之名兼之元泰定為南寧路國朝改府有南城臺在城南崑崙臺之左其東北隅有臺亭名最高臺又城北有亭在北湖上矚五花州宋安撫使顏敏德所創也邕州城為宋皇祐間平儂智高時更築善子崩顏有劉郡守者失其名夢神人告以就蛇跡紆斜處築之離舊城三百五十步續用告成古邕州城在今城南二里基址尚在邕溪水之所逕也源出欽州流逕四方嶺馬退

山夾古邕州前入大江攷韻書邕字从川从邑以
 四方俱水也 南園故屬左江然當亦自有左
 右江之號左出廣源右出荻利此二土州之水匯
 於合江鎮流入橫州是為鬱江鬱江左江也至潯
 州與石江合右江一名潯江唐李嶠自邕州順流
 詩鳴鞞入嶂口汎舸歷川涓尚想江陵陣猶疑下
 瀨師岸回帆影疾風逆鼓聲遲萍葉沾蘼檠林花
 拂桂旗弓鳴蒼隼落劍動白猿悲芳樹迎羌管幽
 篁入楚詞全軍多勝策無戰在明時寄謝山東妙
 長纓徒自欺宋陶弼秋日登南城臺江國家書少
 秋臺寒草生無人來遠渡盡日上高城落照懸漁
 市孤煙起戍營東園故籬菊入向酒中傾人登崑
 崙臺落照古城隅邊風動隼旗久閒志戰略多病
 孰醫書白髮隨年短新晴與世疎桃花春水暖還
 釣舊溪魚 按李嶠字巨山唐高宗詔擊邕州牧
 獠以嶠監軍嶠入其峒悉諭降之陶弼字商翁時
 為西上閩門使知邕州 元和郡國志云邕州左
 右溪洞日得銅鼓相傳為漢馬援所製形如坐整
 而空其下滿腹皆細花紋極工緻四角有小蟾蜍
 兩人舁行拊之聲如鞞鼓 南裔異物志云馬文

淵積石為塘連於象浦建金標為兩極之界俞益
 期牋云文淵立兩銅柱於林邑岸北有遺人十餘
 家居壽冷岸南與銅柱對皆以馬為姓輿地紀勝
 云唐馬總為安南都護建二銅柱於漢故處五代
 晉馬希範平群蠻亦立銅柱於溪州二公皆以為
 伏波之裔故今左右江各有其一而援之原文曰
 銅柱折交趾滅交人往來疊石於下以固之唐張
 籍蠻中詩銅柱南邊毒草春行人幾日到金麟王
 環穿耳誰家女自抱琵琶迎海神楊用脩丹鉛總
 錄云金麟之麟當作濟注水經所云金濟清渚是

也 伏波廟在城西岸一里唐武德初建 國朝
 學士張以寧詩 邕州江上古祠宮傳是當年雙傑
 翁丹荔黃蕉長盛祭綠沈金鎖尚英風灘聲夜帶
 軍聲壯嵐氣秋隨劍氣空莫羨少遊鄉里志封侯
 廟食至今雄以寧 福建古田人使安南經此 懷
 忠廟在城北宋知州事蘇緘晉江人熙寧四年交
 人入寇眾號八萬緘悉力拒守外援不至乃率其
 家三十六人闔門焚死緘因戰沒後交人乘勢侵
 桂州行數合眾見大兵北至呼曰蘇城隍兵來交
 人懼遂退郡為立祠元祐間賜今額 淶樓廟在

四
府治西南五十里山麓有泉出峰坳甚清冽宋皇
祐中邕守吳姓者亡其名時寇作亂吳與子三人
力戰不克俱死之邕人感而立廟祀焉

宣化縣附郭

本漢鬱林郡之領方縣晉分置晉興郡隋平陳廢
郡為縣旋改名宣化至今仍 縣治五花嶺舊三
清觀基也發源自望仙坡分脈微茫突起五阜伏
城內外一府治一儒學一城隍一即今縣治一天
學寺在城西僅百步許較之衢市或高一丈或高
二丈或高七八尺氣脈融結有如五花故名 望

仙坡在城東北一里相對羅山古有羅秀者脩煉
於山頂上昇而此坡與之正對故以望仙名宋狄
青孫沔余靖征儂賊駐師於此陶弼建三公亭於
其上 與望仙相拱揖者青秀山也距城東南十
里雄奇秀拔為邕江之砥障巖洞相因出泉甘冽
羅山距城北二十里高擁南城俯瞰北湖迥秀道
人脩真之所上有北市龍潭祈禱輒應 其相連
為馬退小山勢趨而復返如馬之退故名舊有茅
亭柳宗元為之記又十五里為苦竹山其山多生
苦竹延袤幾里 道人山在城東北十里形如道

人之冠因以名之 聖嶺山在城西三十里峰巒
秀聳雲鎖其巔則雨立至 都石山都茗山俱在
城東六十里以山純石且產茗也西北為都龍山
蜿蜒起伏若遊龍狀諸山聯帶隨之 思玉山在
城東七十里跨柳窰界險峻難登望如堆玉故名
又十里為橫山宋置橫山寨者橫截江河市馬之
要區也又十里為石燕山山出石燕天欲雨則飛
出入十里即崑崙關孤撐巉峻於群山之上曩嘗
設險以扼蠻峒關上有臺可以瞭遠宋皇祐間為
儂智高所據安撫使狄青破其關勝之魏島卿西
事珥云狄武襄以上元夜奪崑崙關破儂智高關
扼窰窰兩界水南北分流勢不甚峭而險互難行
騎者亦以為苦旁多岐嶺與諸夷通若據崑崙須
防間道云 伶俐水源出崑崙山流入大江與鬱
江合而鬱之上流曰靈犀水時有靈犀出沒亦名
靈灣其曰八尺水源出交趾界可瀝水源出大明
山龍溪源出銅鼓陂扈江源出如禾鄉者皆注之
如禾鄉唐初置之如禾縣也初屬欽州後改屬
邕宋景祐間廢又有廢懷化州在懷化峒廢思龍
縣在思龍鄉俱唐時置宋元祐間廢 唐李翺字

習之貞元間邕州刺史時寇黃氏等鴛鴦負嶠歸
 乃布恩信以撫之眾皆悅服郡境始寧 呂仁邕
 州司馬也景雲中鬱水橫溢民常苦之仁乃立渠
 分流以泄水勢自是無沒溺之患 宋初范旻字
 貴參丞相質之子嶺南初平旻知邕州為撰邕管
 雜記三卷併刻瘵病方書實諸廳壁 馬伸己字
 齊賢河陽人天聖中知邕州治舍有井相承不敢
 飲飲輒死伸己日^及自供傍城數里有金花木俗
 言花開即瘵起人不敢近伸己故以花盛開時酹
 饗其下竟無恙 陶弼永州人慶厯間知州事邕

經智高之亂物力彫耗人不樂生弼綏輯拊循志
 其勤苦諸洞獻土物求內助弼降意撫答謝却其
 質皆感化無犯邊者屬久雨慮水入城弼令民徙
 居高地隨率僚吏塞垠江二門又為土囊千餘置
 道上水從竇入即塞之人民乏食發廩以賑或方
 舟饑之水不及女墻者三板旬有五日乃退公私
 一無所損弼久于邕為邕人所愛戴尤喜賦詩^輒
 跡至處多所錫詠云

隆安縣 在府內北 百八十里

本宣化縣之那九村先議設馱演那樓寨巡以司

彈壓嘉靖七年新建伯王守仁有事田州相度其
 土曰可縣也乃請置今治額以隆安之名其城周
 三百二十丈為樓四東曰興隆西曰望仙南曰廂
 泉北曰廂江城外有馬晚橋鷓鴣渡灣空渡皆以
 濟大江者稍遠為可慮江渡那緣渡又遠為曲流
 渡江源自田州來逕縣左旋繞去城五十里灣成
 九曲以達郡境云 縣東江岸有三峰圓而秀與
 學宮對名曰三台又五六里有芭野山巖池四塞
 如城內有蓮花塔塔座踞一石人 感昭巖在縣西
 二里其山上下昭微故名 逍遙山在縣東四十
 里高五百尺嘗結雲霧過者或聞其中有鼓樂之
 聲絕頂有池不溢不涸又二十里為隴鵝山山下
 有巖二亦多怪石如蓮花佛座之狀 蓋橋山在
 縣南二十里中有巖穴積水架梁傳云自上古神
 農時至今不朽又三十里曰梅龜嶺廣延一舍樹
 木叢蔚鳥獸繁殖相傳有神龜盤於古梅樹故名
 陽明洞在縣西北三十里王文成公征思田時
 舟經於此刻陽明洞天四字及平南記一篇

橫州 在府東二
百一十里

本漢合浦郡之高涼縣地元和志云今在高州界

三國吳孫休分立合浦北部以都尉領之晉武帝
平吳改合浦屬國都尉立寧浦郡隋志寧浦郡下
注云梁分置簡陽郡隋平陳後郡廢置簡州大業
二年州廢為寧浦郡唐武德四年以鬱林郡之寧
浦樂山二縣置簡州六年改南簡州貞觀八年始
改橫州以橫槎江為名按廢寧浦縣在州城內
本吳昌平縣也晉更名寧浦唐為橫州治宋以樂
山嶺山二縣併入明興省入州廢樂山縣隋置
故城在州東南五十里州境有廢蒙澤縣唐武德
初置貞觀中省者又有廢簡陽城即梁所分置簡
陽郡云夫子小影石按凡而坐從以七十二弟
子夫子行像石吳道子所畫天子立而顏子從以
上二石俱宋紹興中郡守何先覺刻置甯浦縣學
各有記戒石銘在州甬道黃庭堅書廢貢院
宋置州人章鷄有貢院上梁文見輿地紀勝綺
川亭在州沿河寧鬱水海棠亭在州西海棠橋側
舊多海棠樹故名有淮海堂在海棠亭之後為宋
秦觀建按少游以紹聖初削職編管橫州有書生
祝姓者居海棠橋側少游嘗醉宿其家作詞云喚
起一聲人悄衾冷寒窗曉瘴雨過海棠春色又

添多少杜鵑釀成微笑坐破柳歌共嚼覺傾倒急
投牀醉鄉廣大人開小 仙槎亭在城西北隅登
高嶺上州人九日登高處相傳晉咸元中隱士董
京遇一仙人秋夜橫槎于浦宋紹定間郡守張玘
因建亭曰仙槎按志橫槎浦距城西南十里源出
山谷流入鬱江有枯槎橫于灘上枝葉扶疎其色
如漆光瑩照人故有橫槎館秦少游嘗寓焉 鬱
江在城南源出廣源州之廣源山流遠學前形如
半月一名月江西岸七里有立石高二丈許形如
牛皮大鶴橫州二字相傳仙人所書清江在州北
十里出石魚天陰有翼飛出武流江在州東南二
十五里源出靈山縣界俱北流入州以注于鬱
州東十五里有古江源出震龍山流經綠藍至烏
蠻驛入于鬱設巡簡司 烏蠻一名烏許即漢谷
永所招其上為烏巖山去州東城六十里偽漢主
名巖乃易為烏蠻攷異物志稱烏蠻在南海郡之
西安南都統司之北即烏許蠻也古損子產國生
首于甄解而食之曰宜弟味旨則獻其君君喜之
而賞其婦娶妻美則讓其兄其國有烏蠻灘焉漢
建武中國廢如此則烏蠻之名不起自偽漢矣

王文成謁伏波廟詩樓船金鼓宿烏蠻魚麗群舟
 夜上灘月遠旌旂千嶂靜風傳鈴柝九溪寒荒夷
 未必先聲振神武由來不殺難想見虞廷新氣象
 兩階干羽在雲端右廟在烏蠻山麓志云烏石
 嶺距州一里石色純盧故名古鉢山在城北七
 里頂突而圓如僧鉢孟狀州鎮山也其脅有半山
 亭鉢之左山形聯絡如九珠鉢之右山形飛翥如
 九鳳皆因以名之有水出焉其旁多產香稻名香
 稻溪海棠橋跨之蘇摩嶠在城西五里傳云仙
 人董奉亡後人見之于城南越志云在寧浦郡東

南空籠山在城東十里空明一氣東西朗然又
 十里為長寨山形如立筍襟領羅蠶羅蠶者以山
 平地突起如蠶房也又十里為天窟山山有石洞
 洞口有潭水產嘉魚上有二歧多怪石鐘乳靈泉
 蟄燕盡至處有窟通見天日又十里為鳳凰巖石
 壁臨江巖半翠房如畫房前有臺中有柱如鰲足
 旁有仙羊窩後穿一竅可通巖頂日射之光入洞
 口寶華山在州南二十里其巔常有寶氣故名
 背為雷公嶺有泉自石槽中瀉下長數十丈形如
 掛練唐有二僧居之一騎白鹿一騎花虎往來入

山中人號虎鹿仙人又三十里為東山多樟楠木
 盤紆數百里武流水之源也又二十里為天堂山
 與石榴山相對相傳古有石橋仙人會于山頂為
 樵豎所窺雷斧劈斷其橋今不可登 綠礬山在
 州西六十里出綠泉多產礬石又四十里為震龍
 山山頂有潭蛟龍所居為橫潭賓貴諸山之冠又
 五十里為飛龍山相傳昔有白龍自山飛去故名
 古辣泉在州北八十里桂海虞衡志云古辣乃
 賓橫間名以壚中泉釀酒既熟不煮但埋土中日
 足取出色淺紅味甘而致遠雖暴日中不壞 龍

池在橫州北唐貞觀中有女婦陳氏買魚忽有白
 衣人謂之曰魚不可食可擲水中急上山避之陳
 如言避於古鉢山頂回望所居皆陷為池 梁世
 基橫州人歷官大理寺丞用法平允家有荔枝生
 連理神宗賜以詩曰橫浦江南岸梁家聞世賢一
 株連理木五月荔枝天 嶺石遷客錄云唐杜王
 倫相州人出入兩宮典機密太子失道輒當帝前
 督切太子帝責其漏洩上語敗交州都督召入中
 書令後李義府誣正倫交通罔上謫守橫州 張
 大安繁水人上元中為太子庶子時章懷太子在

春官令與洗馬劉納言等注范曄後漢書先宅中
 出橫州司馬卒 趙不尤宋太宗裔靖康之難募
 義兵與金人戰皆捷河南北盜亟避其鋒曰此小
 使軍也高宗即位引眾歸補武翼郎從岳飛平湖
 寇飛死檜奪其兵遣刺橫州 文獻通考耕桑要
 備二卷宣教郎通判橫州何先覺撰紹興癸酉序
 西事珥云橫州學正劉瑄持身端謹每日授諸
 生經講論不倦州守方脩學宮日親至度工諸生
 曰盍往迎之瑄曰脩學有司職講學吾職也各舉
 其職何以迎為 陸舜臣字師臯橫州人登正德
 丙子鄉試為雷州同知罷歸公喜著書及通賓客
 如給事中吳時來主事董傳策謫籍茲土皆招致
 其家時與出游探諸幽勝賡唱輒和賓至如歸云
 所著有橫州志

永淳縣 在州西百二十里

本漢鬱林郡地唐初置瀉州治永定縣永貞元年
 改蠻州宋初廢蠻州以永定縣屬橫州元祐初改
 為永瀉縣至今因之 晚松岡在縣南一里里許
 為雷峰嶺有雷廟城東三十里又有雷巖剗壁臨
 江俗名雷破巖 滕山在縣北二十里巖石滴乳

具有眾妙因名眾妙巖又十里為龍章山相傳有龍出入此山文彩炳然故名 魚流山在縣西六十里山中有溪每水漲魚常順流而下 司中山在縣西北五十里產鐵力樟楠諸大木 林公嶺在縣南六十里昔有林姓者隱此故名 大江在城西即鬱江也水東江在縣東一里源出梁雞村東班江在縣東北五里源出領方縣界秋風江在縣南十里源出靈山界俱入鬱江 牛練灘在縣南十五里中有石形如牛龍泉在城西十里有古洞洞有石竇通於大江 嶠南瑣記云潯州西行過橫永道上竟日無人居抵州縣次方止日中小憩野館蕭條叢莽荒荆句衣胃憤狝豹晝啼送卒常百餘人云惟使車過此餘皆取閒道云

新寧州

在府西二百里

舊為四峒介宣化江惠二州間嘉靖中峒民黃綱率其黨效款因改四峒為四都曰武黎曰華陽曰沙水曰吳從隆慶間設州名曰新寧治沙都 玄天洞在州南一里石峰特立上洞寬平仰之有隙通天光其下為印山 三峰山在州北環列如屏俗名筆架山其下為金雞巖 石龍洲在州城西

數百步連亘十丈橫截江流三面皆水中一白石
 長數十丈出地不盈尺狀如龍之蜿蜒又二百步
 有迴瀾磯巨石突出橫江鬱水至此西流 慈烏
 石在州東北一里即州治之脈也磊石星布望之
 如群鳥飛集雲際 鮎魚灣在州西五里羣峰壁
 立江畔一石不數尺垂宛若魚形又五里為犀牛
 洞洞最虛明可列數十榻有池一泓其水自石滴
 下清冷不竭 獅子巖在西北十里半山有洞
 洞口寬數丈平坦如砌石覆其上又一石蹲踞若
 獅故名稍入邃西空曠奇架萬狀再循一隙則亂
 乳懸崖迴非人境 朝冠山與州治相對距二十
 里望之儼然瀾水出焉合流曲折以入大江 石
 人埠在州東五十里接宣化界有石如人卓立水
 涯若偵候者 風聞四自安南界分流又自思明
 龍州合龍江而下 廢武黎縣在州之武黎村廢
 華陽縣在州之華陽都廢樂昌縣廢封陵縣俱在
 武緣縣境合割入右江

上思州 在府西南三百里

唐始置羈縻屬邕州都督府元屬思明路我 洪
 武初土官黃中榮附授知州其後子孫叛服不

常弘治十八年以州改流官屬南寧府正德六年
 復叛嘉靖元年討獲其酋州境遂平 獅山在州
 北二里一作思山州名因之相近為文嶺山巽如
 三台故名山出溫泉 州前有六馬嶺其形如拜
 又其東有棟銅山山下有三百谷口 恃武嶺在
 州之左高百丈上有土城世傳馬伏波所立其麓
 為甘燕巖相對有胡恃回車二嶺亦有土城 獨
 秀峰在州東南五里其背為獅子潭水面一石蹲
 踞昂首若獅子然 明麗峽在州西八里又二里
 為鳳凰山其北曰王侯山上有廟址名王侯寨
 柳槐山在州西十二里以多柳槐二樹故名又十
 里為排陽嶺四周石壁山半有泉懸如瀑布下注
 成溪 綠玉山在州北十里雷電時出澍雨立至
 又二十里為北梯嶺又十里為束香山巖峻洞深
 怪石層出入洞者持炬照之上有弄懷山三字
 四方嶺在州西四十里其上有一潭名曰天地又四
 十里羣峯巒峴百溪叢注名曰十萬山即明江之
 源也繞州而西合左江水其側為葫蘆灣 上魚
 江在州西南與小江水合 龍跳溪即板龍溪去
 州五里上夷下銳世傳以龍躍名巖有穴數口春

水蕩漾則魚集于巖隈云

太平府在州城西六十里領州四縣一

漢屬交趾郡號麗江晉以來夷獠居之唐為羈縻州隸邕都督府其後或臣或叛不常宋平嶺南立五寨於左右二江溪洞其一曰太平與古萬遷隆永平橫山四寨各領州縣洞屬邕州建武節度元初仍為五寨後廢乃置太平路於麗江以控制蠻夷我洪武二年改太平府初治馱盧未幾復還麗江麗江在城南即左江也出廣源州流經憑祥龍州合明江諸水遠郡城西南東三面至合江

鎮與祥州水合人謂之府前江 太平城曰壺城

關曰壺關蓋江水自北來遠從東北去屈為壺狀故名壺關距城北三里又有廢伏波關在衣甲山下相傳伏波征交趾所築一名威震關 金櫃山在江之東山形如櫃其中虛明可容百人又三里為蛾眉山屹立雲表秀而長也相對為白面山宋有鼇山道人嘗卧於州學諸生見而叱之答曰莫欺開客也會作詩諸生投紙筆令吟之曰家住鼇頭最上山偶然躡蹠到塵寰不妨名利場中卧忙者自忙閒自閒

崇善縣附郭

古名崇山宋所置縣隸古萬寨元改今屬 明興
 如之 西事珥云崇山即舜放讎兜處唐沈佺期
 有從崇山向越裳詩朝發崇山下暮坐越裳陰西
 從杉谷度北上竹谿深按竹谿古道明水杉谷古
 崇岑也九真圖云崇山至越裳四十里杉谷起崇
 山竹谿從道明國來於崇山北二十五里合水歌
 缺藤竹明珠有三十峰夾水直上千餘仞諸仙窟
 宅在焉楊用修以為當在交廣之域似必當地也
 志云崇官山在舊縣北二里其山空洞竅通於

江又里許為石門山江中巨石峙立中通如門
 隴峽山在城南三里又里許為五廩山山多羊桃
 子俗名五廩子 白雲山在城東四里方巖連亘
 如玉屏有七洞相連而白雲最勝洞口懸石扣之
 作鐘聲夜靜有光如燈出入洞門人謂之佛燈其
 下有雲泉 青連山在城北十里山勢綿亘三百
 餘里峰巒矗立望之青翠相連故名其陽有青山
 巖高濶深邃石乳懸綴奇怪萬狀脫函成堆蓋異
 境云又三十里為盤環嶺純土可耕望見太平安
 平二州又名望州嶺 慈頭山俗名雞籠山在城

東北四里即鰲山也屹立江心其頂有方石長八尺四面花闌中有石紋自然成樹如丹桂狀西事珥云巖淋在太平之樸村入巖二十步幽暗如晦夕有野龍潛伏其中村婦每欲見之則感飾唱土歌入巖龍乃出馴柔若素習者入村婦懷中盤伏良久乃去聞脫下遺鱗婦珍藏而歸以為獲神之貺若侮棄之雷雨驟至飛來鐘相傳自交趾思琅州飛來者炎微紀聞云指揮沈希儀遣舍人劉勳往相之欲搃取其銅以造軍器未至鐘數百步仆地死龍馬泉在府南峰近江數穴與江相通上有榕樹覆蔽成畝或曰龍潛于此即太平八景之綠樹神湫也

左州在府東北一百里

舊名左陽唐置隸邕州宋以隸古萬寨元改今屬國朝因之土官黃姓洪武初黃勝爵歸附授知州再傳子孫爭襲相仇殺成化十三年改流州治舊在龍村知州李欽承遷于古欖萬歷二年始建學天燈山在州南門外以常現仙燈故名銀甕山在新村其山臨江山頂有洞以古仙埋有數十銀甕于此金山在州西北二里有巖曰通幽

奇峰錯峙怪石環列上有架壑亭錫金山二字亭
 後有流霞峰最高登之斯八表在日雙清獨秀諸
 峰皆聯絡焉 雲巖山在州東三里巖有二層平
 廣如一中多奇乳作雲物花草狀亦名雲州又云
 落成巖 栢嶺即北山巖也在州治南三里中虛
 可容百人隈曲盤旋巧緻足觀前有二坎深不可
 測後可拱臺若金猊座傍垂石乳又如白龍座狀
 上有蓮花瓣正似米麥木犀堆積萬點扣之鏗然
 有聲 傳感山在哢亮村離城東南八里一水中
 流奇峰對列若煙雲花卉之狀遇水隔處輒負浮
 槎以度之詰曲環遠約里許旁通小巖皆可遊觀
 有擎雲羅漢佛子度關諸臺瓊花通天石鼓諸洞
 及洗心池羽化菴皆天然之妙不費雕琢 橋龍
 江在州前出自陀陵之三清山合諸水流經龍光
 村環州治而南入于江 龍泉在州東二里高山
 聯絡一石擎起若龍頭然石下湧出源泉四時不
 竭滙為一池形如半壁北流與橋龍江合

養利州 在府北百五十里

州有養山利水合以為名土官趙姓我 洪武初
 有趙日泰者歸附授知州以次傳襲至宣德間稍

用侵其隣境殺掠萬歷三年始平之因改流 右
 嵩山在州南小印山在州西各去一里印山其形
 方正似之蒼秀奇特右嵩一作古嵩 弄月臺在
 州東南二里田中一大石高如臺圓如月上下相
 映人登其上如在月中 武陽山在州東三里有
 武安洞滴水成溪與瀑布泉合流入于江名曰洞
 溪之水

武康州 在府東北 二百里

舊名康山置縣隸遷隆寨元隸太平路路 明興
 如之 土 官楊姓成化八年其子孫楊雄傑糾合峒

賊二十餘人入宣化縣劫虜且偽署官職總兵官
 趙輔等擒誅之因改流

上石西州 在府西南 一百里

唐置石西州宋加上字 隸 平寨元屬思明路
 大明改路為府因屬焉後乃改屬太平 州南有
 白馬洞洞口隔水決乾為行乘炬而入初暗後敞
 懸石盤旋如芝如蓮如龍蛇虎豹不可勝紀右距
 州三十里 州更土官趙氏何氏黃氏凡三姓皆
 絕始改流然自知州殷興為土人毒死其後陞授
 來者暨不改入多寄孥於太平以承使令之乏萬

歷十九年知州孫繼先始新州治携家人从拓城
甃井略改觀焉自後復鞠為戎莽之場至天啓二
年閩人吳爾施者乃披荆棘而進著有西州小紀
一卷其詩云黃茅為宇竹為門斗米肩販濁酒尊
欲向此中停信宿俄傳交趾掠前邨又幾處人煙
覆短牆山多未許牧牛羊額祠蔓草無香火唯見
殘碑枕夕陽又百萬當年事遠征高標銅柱伏波
營受降城下徘徊久能得將軍日再生又馬跑相
傳舊有泉行人消渴欲流涎瓶中攜得家園茗太
子亭邊竹火煎